


20/10



DECLARATION

330
DV ROY, PORTANT
DEFENSES A TOVS SES
subjets de faire aucun
traficq ny commerce au
Royaume d'Espagne. 35

*Publiée en Parlement le douZiesme
May 1625.*



A PARIS,

Chez FED. MOREL, & P. METTAYER,
Imprimeurs ordinaires du Roy.

M. DCXXV.

Avec Privilege de sa Majesté.

DECLARATION

IN WITNESS WHEREOF, I have hereunto set my hand and seal of the said Court, at the City of New York, this 10th day of June, 1865.

Case No. 107
F

39

326


1625 ft

THE NEW YORK
LIBRARY



DECLARATION DV

*Roy, portant defenses à tous
ses subjets de faire aucun tra-
ficq ny commerce au Royaume
d'Espagne.*

 **O V I S** par
la grace de
Dieu, Roy
de France &
de Nauarre,
A tous ceux qui ces pre-
sentes Lettres verrōt, Salut.

A ij

Sur les plaintes qui nous
ont esté faiçtes de la part
de plusieurs de nos subjets
traffiquans en Espagne,
d'une Ordonnance decer-
nee le deuxiesme de ce mois,
par nostre tres-cher & tres-
amé bon frere & beau-
frere le Roy Catholique, à
ses officiers, pour saisir &
arrester en ses ports & ha-
ures les nauires, effects &
marchandises des François
nos subjets, sous pretexte
de represailles de quelque
somme d'argent que nostre

tres-cher & bien-amé Cou-
sin le Duc de Guyse, Gou-
uerneur & nostre Lieute-
nant general en Prouence,
a faiet arrester dans des bar-
ques és enuiron de nostre
ville de Marseille, comme
appartenans à des mar-
chands Geneuois, aussi
qu'ils alloient dans les ports
des-habitez de nostredit
païs de Prouence, au pre-
iudice de nos Ordonnances,
& des Arrests de nostre
Cour de Parlement d'Aix:
Pretendant ledit Roy, que

partie dudit argent appartient à ses sujets (chose qui n'a point esté verifiée) en partie aux Geneuois. Et d'autant qu'il importe pour le bien de nos sujets, d'empescher qu'ils ne puissent recevoir plus grande perte & dōmage de la faisie & detention de leurs nauires & biēs, qui est ordonnee en Espagne: à quoy il ne peut estre plus conuenablemēt pourueu, que par vne interdiction generale du commerce au lieu où les marchands

nos sujets ne sont plus en
liberté: SCAVOIR faisons,
Qu'ayant mis cet affaire en
deliberatiō en nostre Con-
seil, où estoient la Royne
nostre tres-honoree Dame
& Mere, aucuns Princes de
nostre Sang, autres Princes
& Officiers de nostre Cou-
ronne, Seigneurs & nota-
bles personnages de nostre-
dit Conseil: DE L'ADVIS
d'iceluy, & de nostre cer-
taine science, pleine puis-
sance & auctorité Royale,
Nous auons faict & faisons

par ces presentes, signees de
nostre main, tres-expresses
inhibitions & defenses à
tous nos sujets de quelque
qualité & condition qu'ils
soient, de faire aucun traf-
ficq ny commerce au Roy-
aume d'Espagne, de Bleds,
Vins, toiles, cordages: &
generalement d'y mener,
conduire, transporter ny
achepter aucunes marchan-
dises de quelque qualité que
ce soit, sur peine aux con-
treuenans de confiscation
de leurs marchandises, vais-
seaux

seaux & effects, & d'estre
punis & chastiez selon la
rigueur de nos Ordonnan-
ces, & ce iusques à ce que la
main-leuce des effects saisis
en Espagne sur nos subjets,
aye esté pleinement don-
nee, & que par nos Lettres
patentes Nous en ayons
autrement ordonné. - SI
DONNONS en mandement
à nos amez & feaux les gens
tenans nos Cours de Parle-
ments, Que ces presentes ils
facent lire, publier & enre-
gistrer, & le contenu en

B

icelles, garder & executer
exactement chacun endroit
loy, & à nos Procureurs ge-
neraux ou leurs Substituts,
de faire pour l'exécution
d'icelles, toutes poursuites
& diligences requises & ne-
cessaires. Mandonns aussi
aux Gouverneurs & nos
Lieutenans generaux en
nos Prouinces, Capitaines
& Gouverneurs particu-
liers de nos Villes & places,
mesmes celles qui sont sur
nos frontieres, Baillifs, Se-
neschaux, Preuosts de nos

tres-chers Cousins le Con-
nestable & Marefchaux de
France ou leurs Lieute-
nans, & à tous autres nos
Iusticiers & Officiers &
subjets, de tenir la main à l'e-
xecution de ces presentes:
CAR tel est nostre plaisir.
En tesmoin de quoy, Nous
auons faict mettre nostre
seel à cesdites presentes.

Donné à Paris le vingt-
troisiesme iour d'Auril, l'an
de grace mil six cens vingt-
cinq. Et de nostre regne le
quinziesme, Signé, LOVIS.

B ij

Et sur le reply, Par le Roy,
DE LOMENIE.

Et scellees du grand sceau
de cire iaune sur double
queuë. Et sur ledit reply est
escrit,

*Leuës, publiees et registrees
és Registres d'icelle: Ouy, et ce
requerant le Procureur General
du Roy, pour estre executees, gar-
dees et observees selon leur forme
et teneur, et copies collationnees
d'icelles enuoyees aux Bailliages
et Seneschauſſees de ce ressort,
pour yestre pareillement leuës, pu-
bliees, registrees et executees à*

la diligence des Substituts dudit
Procureur General, auxquels en-
joinct d'y tenir la main, et d'en
certifier la Cour avoir ce faict au
mois. A Paris en Parlement le
douziesme iour de May mil six
cens vingt-cinq.

Signé, DV TILLET.

[Faint, illegible handwriting throughout the page, likely bleed-through from the reverse side.]

